

**15 IUNIE**

**RUGACIUNEA 2**

**SF.MUCENIC**

**VITUS DE LA LUCANIA SICILIEI**

**Молитва**

О святый угодниче Божий, мучениче Вите!  
Подвигом добрым подвизався на земли,  
восприял еси на Небесех венец правды, егоже  
уготовал есть Господь всем любящим Его. Темже  
взирающе на святый твой образ, радуемся о  
преславнем скончании жительства твоего и чтем  
святую память твою. Ты же, предстоя Престолу  
Божию, приими моления наша и ко  
Всемилостивому Богу принеси, о еже простити  
нам всякое прегрешение и помощи нам стати  
противу кознем диавольским, да избавльшеся от  
скорбей, болезней, бед и напастей и всякаго зла,  
благочестно и праведно поживем в нынешнем  
веке и сподобимся предстательством твоим, аще  
и недостойни есмы, видети благая на земли  
живых, славяще Единаго во святых Своих  
славимаго Бога, Отца и Сына и Святаго Духа,  
ныне и во веки веков. Аминь.